



Archiepiscopatus Et Electoratus Trevirensis

Abtei Sankt Maximin <Trier>

Avgvstae Trevirorum, 1633

Sententia.

[urn:nbn:de:hbz:466:1-62152](https://nbn-resolving.org/urn:nbn:de:hbz:466:1-62152)

ratione item prænominatarum originalium literarum, Quæstoriæ Generalis librorum rationum, exhibitorum Documentorum, Confessionum, clarissimarum Pontificiarum, Rotæ Romanæ, Cæsarearum ac Imperij Sententiarum ac rerum iudicatarum, aliorumque ad plenariam informationem pertinentium, reppererunt, prædicta narrata ob iam recensita, cum primis, ob notorietatem & euidenciam sufficientissimè remonstrata ac probata, ac per se, in Archiepiscopatu Treuirensi & Romano Imperio, manifesta & notoria esse. Eapropter, ex causis iustissimè mouentibus, atque ob iam dictas notorietatem & euidenciam, à supra memoratis Eminentiaæ Suæ Deputatis Ecclesiasticis & Sæcularibus, Nobilibus ac Iurisperitis, Consiliariis & Commissariis, Consistorio item, ac Parlamento, Ecclesiasticis & Sæcularibus, Ius ac Iustitiam administrantibus, vigore supra allegatorum Archiepiscopaliū ac Electoralium Priuilegiarum, decretum ac pronunciatum est, tenore sequenti.

SENTENTIA.

IN causa, per Imperium Romanum & Electoratum Treuirensē notoria, à Priore & Conuentu S. Maximini, contra Eminentissimum & Reuerendissimum Eorum Archiepiscopum, Principem Electorem, Dñm Ordinarium & Commendatorem, necnon, in territoria & Subditos Treuirenses, excitati belli, exercitarum rebellionis, seditionis, Pacis Publicæ fractionis, causati damni, extantium liquidorum, Imperialium, Vnionis, Prouincialium, Cameralium, aliarumq; Contributionum; visis & maturè consideratis Originalibus literis, Quæstoriæ Generalis rationum libris, exhibitis Documentis, Confessionibus, clavis Pontificiis, Rotæ Romæ

næ, Cæsareis & Imperij Sententiis, ac rebus iudicatis,
 maximè verò, ob notorietatem & euidentiā, enor-
 missimorum factorum (ob quē, ab initio, absque citatio-
 ne, Monitorio, & Sententia, ab executione, inchoari
 potuisset) Electoris Treuirensis, ad hanc causam, vigore
 Archiepiscopatus clarorum Priuilegiolorum, in eiusmodi
 casibus, deputati, Ecclesiastici & Sæculares, Nobiles ac
 Iurisperiti, Consiliarij & Commissarij, Consistorium
 item & Parlamentum Ecclesiasticū ac Sæculare, Ius &
 Iustitiam administrantes, remissis, quantum ad hunc a-
 ctum opus, eorundem Iuramentis, dicunt, decernunt,
 & pronunciant: Agitiū Reckingen, pro Abbate Mona-
 sterij S. Maximini hætenus se falsò gessisse; Eūdem Prio-
 rem & Conuentum, circa implorationem Protectionis
 Luxemburgicæ, excitatū bellum publicū, & causatas cæ-
 des, rapinas & incendia, aliasq; in Archiepiscopatu, ob
 Commendam, necnon ob Imperiales, Prouinciales, Ca-
 merales, aliasque Contributiones, exercitas hostilitates;
 contra claram ordinationem Iurium Gentium, Imperij,
 fundamentales Constitutiones, Pacem Publicam ge-
 neraliter sancitam, & contra Eorundem ab Antecesso-
 ribus Abbatibus, Archiepiscopis præstita Iuramenta,
 similiter & contra Pontificias, Rotæ Romanæ, Cæsa-
 reas Sententias, & res iudicatas, ac contra Ipsammet
 Sanctitatem, perperam & nimis iniustè, fecisse; quo ipso,
 publicas rebellionem, seditionem, & Pacis publicæ ru-
 pturam, exercuisse; ac proinde, in puncto Commendæ,
 Altementionatum Dñm Archiepiscopū, (cum non nisi,
 nudum Procuratorium ad resignandum, ab Ipso, armis
 iniustis, extorqueri potuerit, ideoque non productum,
 non acceptatum, minus in effectum deductum sit) in Iu-
 re, titulo & possessione Commendæ, permansisse; Emi-
 nentiam Suam, pro vero & legitimo Commendatore, à
 Mo-

Monachis agnosci & haberi debere; Eidem competere, ius percipiendi fructus & redditus Commendæ, in Bulla Pontificia deputatos, &, à tempore adeptæ possessionis cessos, nec non ius repescendi pensiones, Romæ, intuitu præactæ Commendæ solutas, ibidemque ac publicis Legationibus, in Aulis Cæsarea ac Bruxellensi, ac alibi, factas expensas, uti & propter damna, per arresta, inuasiones, deuastationes, extorsiones, aliasque hostilitates, causata & illata, portionem illam, moderno Archiepiscopo, à Pontifice, in Bullis, designatam, Archiepiscopatui Treuirensi, tam diu affectam manere debere, donec de prædictis expensis, pensionibus & debitis, per Quæstoriam Electoralem, ad viginti octo mille octingentos, & quatuordecim Coronatos, liquidatis & taxatis, nec non de fructibus Commendæ, illatisque damnis, suo tempore, per prædictos Commissarios, amicabiliter, aut iudicialiter componendos, plenariè satisfactum sit.

In puncto verò omnimodæ Iurisdictionis, Ecclesiasticæ & temporalis, dicunt, decerunt, & pronunciant prædicti Consiliarii & Commissarii, Consistorium item ac Parlamentum Ecclesiasticum ac Sæculare, Altememorato D. Archiepiscopo & Electori, præactam omnimodam Iurisdictionem, Ecclesiasticam & Sæcularem in & super Monasterium S. Maximini, Eiusque Subditos, Cæsareis & Pontificiis Concessionibus, acquisitam, Sententiis, rebusque iudicatis Summorum Imperij Iudiciorum (prætenis priuilegiis, ab Abbatibus, seu Priore & Conuentu, sub- & obreptitiè, ex prædictis & allegatis, annullatis, ac pro talibus iudicatis) confirmatam, contra quoscunque Turbatores, mediis quibuscunque, tam Iuris, quam facti, tueri & conseruare; Monachosque, ad solutionem Contributionum, ex iure Superioritatis debitarum, ab Anno 1609, cessarum, & iuxta di-

tributionem prædictæ Quæstoriæ, Summam viginti mille octingentorum & triginta nouem Coronatorum, excedentium, nec non ad solutionem futurarum Contributionum, via executiua, adigere, Eminentia Sua licuisse, & etiam num licere.

Protectionem Luxemburgicam, ab Abbatibus seu Priore & Conuentu, perperam & seditiosè, imploratam, vel implorandam, iam dudum, Sententiis Imperatorum, Summorum Pontificum Confirmationibus, Aurea Bulla, fundamentalibus Imperij Legibus, cassatam, abolitam ac explosam esse, & in perpetuum manere debere. Priorem denique & Conuentum, à notoriis, & in actis assertis, scandalosis factis periuriorum, proditionis Ecclesiæ & Patriæ Treuirensis; Læsarum Summæ Pontificiæ Maiestatis, & Electoralis Dignitatis, usurpatæ Iurisdictionis, seditionis, excitati belli intestini, fractæ Pacis publicæ, falsorum, damnatorum Dogmatum, aliisque criminibus enormissimis, flagrantibus, ac in facto permanentibus, in totum, abstinere ac respectiue reuocare, atque ad iuratam debitam subiectionem, obedientiam, & reuerentiam, moderni Dñi Archiepiscopi ac Principis Electoris, Ordinarij ac Commendatoris Sui, vti & Successorum, redire; aut hoc nō faciant, contra Eosdem, ratione allegatorum criminum notiorum, iuxta communia Canonica & Cæsarea Iura, Constitutiones Pontificias & Imperiales, nec non specialia, à Summis Pontificibus & Imperatoribus, Archiepiscopis & Electoribus Treuirensibus, concessa Priuilegia, via Iuris & executiua, vltius procedi posse, ac debere. Lata in Consilio, sub Eminentia Suae Cancellariæ Secreto. Treuiris in Palatio S. Petri die 19. mensis Decembris. Anno 1633.

Locus sigilli.

Ex mandato &c.
Ioannes Finger
Secret: &c.